





漢書門
類號
函架冊
13010
13010
13010

| | |
|------|------------|
| 內閣文庫 | |
| 番號 | 漢 13010 |
| 冊數 | 120 (54) |
| 函號 | 301 64 |





腸癰千金謂安治必殺入腸癰為病小腹重而強按
 之則痛便數似淋時時汗出復惡寒身皮甲錯腹皮
 急如腫狀其脈數者小有膿也巢云洪數者已有膿
 脈若遲緊者未有膿甚者腹脹大轉側有水聲或繞
 臍生瘡或膿自臍出或太便出膿血脈經問曰羽
 林婦病何以知腸有膿師曰脈滑而數滑則為實數
 則為熱滑則為榮數則為衛衛數下降榮滑上升榮
 衛相干血為敗濁小腹痞堅小便或澀或自汗出或
 復惡寒膿為已成設脈遲緊則為瘀血血下即安
 丹溪云腸癰大腸有熱積死血流注桃仁承氣湯加

內經 腸癰 小年二

連翹秦艽 薛腸癰因七情飲食所致治法脉遲緊者未有膿也用大黃湯下之脉洪數者已有膿也用薏苡仁湯排之小腹疼痛小便不利膿壅滯也牡丹皮散主之若大便或臍間出膿者不治內經曰腸癰為病不可驚驚則腸斷而死故患是者其坐卧轉側理宜徐緩時少飲薄粥及服八珍湯固其元氣靜養調理庶可保全其生 丹溪治一女子腹痛百方不治脉滑數時作熱腹微急曰痛病脉當沉細今滑數此腸癰也以雲母膏一兩丸梧子大以牛皮膠溶入酒中并水下之餉時服盡下膿血愈 一婦以毒藥

去胎後當臍右結一塊痛甚則寒熱塊與臍高一寸痛不可按脉洪數謂曰此瘀血流溢於腸外盲膜之間聚結為癰也遂用補氣血行結滯排膿之劑三日決一鋒針膿血大出內如糞狀者臭甚病婦恐因調氣血生肌則內外之竅自合不旬日而愈 呂滄洲治郡守李母龐病小腹脹眾醫皆以為瘕聚久藥不効呂診循其少陰脉如刀刃之切手胞門乳而數知其陰中痛癰結小腸也告之曰太夫人病在幽隱不敢以聞幸出待人語之乃出老嫗呂曰苦小腸癰以故臍下如瘕聚今膿已成痛迫于玉泉當不得前後

內癰
外癰
搜搜則痛甚，嫗拜曰：誠如公言，遂用國老將軍為向導，麒麟竭、虎珀之類攻之，膿自小便出，應手愈。呂又治一小兒，十二歲，患內癰，腹脹臍凸，而頗銳，醫欲刺臍出膿，其母不許，請呂視之。見一僧擁爐熾炭，然銅筋一枚，烈火中瞪目視翁曰：此兒病癰發，小腸苟舍刺臍，無他法。呂諭之曰：臍神闕也，針刺所當禁。矧癰舍於內，惟當以湯丸攻之。苟如而言必殺，是子矣。僧怒趨而出，呂投透膿散一匕，明白膿自氣合潰，繼以十奇湯下，萬應膏丸而瘥。虞恒德治一人，得潮執微似瘡，似小腹右邊有一塊大如雞卵，作痛，右腳

不能伸縮，一醫作奔豚氣治，十餘日不驗。虞診其脈，左寸芤而帶澇，右寸芤而洪實，兩尺兩關俱洪，數曰：此大小腸之間欲作癰耳。幸膿未成，猶可治。與五香連翹湯加減，與之間以蜈蚣炙黃酒調服之，三日愈。儒醫李生治一富家婦，有疾診之曰：腸胃間有所苦，耶婦曰：腸中痛不可忍，而大便從小便出，醫皆謂古無此證，不可治。李曰：試為籌之。若服我之藥，三日當瘳。下小丸子數十丸，煎黃芪湯下之，下膿血數升而愈。其家喜問治法，李曰：始切脈時，覺芤脈見於陽部，脈訣云：寸芤積血在胸中，關內逢芤腸裏癰。此癰

在內所以致然所服者乃雲母膏為丸耳切脈至此
可以言醫矣 薛已治通府張廷用患之兩月餘矣
時出白膿體倦惡寒此邪氣去而中氣虛也乃用托
裏散兼益氣湯徐徐呷之又令以豬肚肺者爛取其
湯調米粉煮時呷半盞後漸調理而痊 一男子裏
急後重下膿脹痛此脾氣下陷用排膿散蠟礬丸而
愈後因勞役寒熱體倦用補中益氣湯而安 一婦
人小腹脹痛小便如淋時時汗出此瘀血凝結於內
先以神効瓜萋散二劑少愈更以薏苡仁湯而愈
一婦人小腹脹痛而有塊脈芤而澁此瘀血為患也

腫瘍
濕例

以四物加玄胡索紅花桃仁牛膝木香十劑血下而
痊 一婦人小腹脹痛大便祕澀轉側有水聲脈洪
數此膿瘀內潰也以梅仁湯一劑下瘀血諸症悉退
再以薏苡仁湯二劑而痊 一婦人膿成脹痛小便
不利脈洪數此膿毒內潰也服太乙膏三錢膿下甚
多更以瓜萋散蠟礬丸及托裏散而安如用雲母膏尤妙
一婦人產後惡血不止小腹作痛服瓜子仁湯下瘀
血而痊凡瘀血停滯宜急治之緩則腐化為膿最為
難治若流注關節則為敗症
薏苡附子散 治身甲錯腹皮急如腹脹本無積聚

內經 陽德

卷十二

五十二

身熱脉數者

附子

炮貳分

敗醬

伍分

薏苡仁

壹錢

右為末每服方寸匕以水貳合煎服小便當下
三因薏苡附子同煎敗醬用壹兩壹分每四錢水
盞半煎七分去粗空心服

按此方乃辛熱之劑也若積久陰冷所致宜用丹
溪云身甲錯腹皮急按之濡如腫狀腹無積聚身
無熱脉數此腸內有癰積久陰冷所致故金匱有
用附子溫之即此方也

牡丹湯

治腸癰小腹腫痞按之即痛小便如淋時

時發熱自汗惡寒其脉遲緊者膿未成可下之當
有血洪數者膿已成不可下

牡丹皮

瓜蒌仁

各壹錢

桃仁

去皮尖

芒硝

各貳錢

大黃

伍錢

右作一服水貳鍾煎至壹鍾去滓入硝再煎數沸
不拘時服

按此乃破血之劑也如發熱自汗惡寒小腹作痛
小便如淋脉遲者有効丹溪云小腹腫痞按之痛
小便如淋或自調發熱身無汗復惡寒其脉遲緊
者膿未成宜下之當有血此內結熱所成也故金

匱有用大黃利之卽此方也若無前證恐不宜用
亦有腹內脹痛脉滑數或膿已下或後重時時而
下宜用排膿散太乙膏蠟礬丸及托裏藥
薏苡仁湯 治腸癰腹中疔痛煩毒不安或脹滿不
食小便澁婦人產後虛熱多有此病縱非癰但疑
似間便可服

薏苡仁 瓜蒌仁 牡丹皮
各錢 各錢 各錢

桃仁 各貳錢

右作一服水貳鍾煎至壹鍾不拘時服
按此方藥品和平其功且速常治腹痛或發熱或

脹滿不食水道澁滯產後多有此證或月經欲行
或行後作痛尤效

牡丹散 治腸癰冷證腹濡而痛時時利膿

牡丹皮 人參 天麻

白茯苓 黃芪 木香

當歸 川芎 官桂

桃仁 去皮炒各 白芷 薏苡仁
各錢半

甘草 炙各 伍錢

為細末每服參錢用水壹鍾煎至柒分食前溫服

梅仁湯 治腸癰裏急隱痛大便秘澁

卷 陽瘡 小十二

內經 腸癰 小兒 一百三十一

梅核仁 肆拾玖粒 去皮尖 大黃 叁兩 牡丹皮 壹兩柒錢半

芒硝 貳兩半 冬瓜仁 肆兩 犀角 鎊壹兩半

右剉如麻豆大每服伍錢水貳盞煎至壹盞去滓
溫服以利下膿血三兩行為度

大黃湯 治腸癰少腹堅硬腫大如掌而熱按之則
痛其上色或赤或白小便稠數汗出增寒其脉遲
緊者未成膿如脉數則膿已成

大黃 剉炒 牡丹皮 硝石 研

芥子 桃仁 湯浸去皮尖雙

右剉碎每服伍錢水貳盞煎至壹盞去滓空心溫

服以利下膿血為度未利再服

四聖散 一名神効 瓜萋散 治腸癰癰疽生於腦髑背腋孔便

毒服之神効

生黃瓜萋 壹枚 去皮 粉草 肆錢 研末 沒藥 研末 叁錢

乳香 壹錢 研末

右用好紅酒貳大碗慢火煎至壹碗分作兩服兩
日服盡大便順導惡物妙若乾瓜萋則用兩枚
方若病在上食後服病在下食前服毒已結成即
膿化為冰毒未成即於小便中出疾甚再合服以
退為度

內經 腸癰 小兒 一百三十一

潰湯
補例

郭氏瑞効丸

方見

雲母膏 治一切癰疽瘡癤折傷等證

蜀椒

去目及閉者，微炒

白芷

沒藥

赤芍藥

肉桂

當歸

鹽花

菖蒲

麒麟竭

黃芪

白芨

芎藭

木香

龍膽草

白欵

防風

厚朴

麝香

桔梗

柴胡

松脂

人參

蒼朮

黃芩

乳香

附子

茯苓

良薑

合歡皮

各伍錢

硝石

甘草

雲母

各肆兩

桑白皮

槐枝

柳枝

柏葉

水銀

以絹另包待膏成以手細彈在上各養膏母

陳皮

各貳兩

清油

肆拾兩

黃丹

貳拾兩

右除雲母硝石麒麟竭乳香沒藥麝香鹽花黃丹八味另研外餘藥並細切入油浸七日文火煎以柳枝不住手攪候匝沸乃下火沸定又上火如此者三次以藥黑色爲度去粗再熬後入丹與八味

內盛

小

未仍不住手以槐柳枝攪滴水中成珠不軟不硬
為度磁器收貯候溫將水銀彈上用時先刮去水
銀或服或貼隨宜用之其功甚大也
排膿散 治腸癰小腹脹痛脈滑數或裏急後重或
時時下血

黃芪鹽水拌炒

當歸酒拌

金銀花

白芷

穿山甲蛤粉炒

防風

連翹

瓜蒌杵

甘草各壹錢

作一劑水貳鍾煎捌分食前服若膿將盡去穿山
甲連翹加當歸川芎或為末每服叁錢食後當湯

調下亦可

神仙蠟礬丸

治腸癰內托神妙不問老幼皆可服

之無不效最止疼痛不動臟腑

黃蠟半兩要黃色者方用柒錢

白礬壹兩要通明者細研

右溶化黃蠟和礬為丸如梧桐子大每服貳拾丸

漸加至叁拾丸食遠用溫白湯送下

胃脘癰

素問帝曰人病胃脘癰者診當何如岐伯曰

診此者當候胃脈其脈當沉細沉細者氣逆甲經

沉逆者人迎甚盛甚盛則熱人迎者胃脈也逆而盛

則熱聚於胃中而不行故胃脘為癰也病能

薛聖

濟總錄云胃脘癰由寒氣隔陽熱聚胃口寒熱不調故血肉腐壞以氣逆於胃故胃脉沉細以陽氣不得上升故人迎熱盛令人寒熱如瘧身皮甲錯或咳嗽或嘔膿唾血若脉洪數膿成也急排之脉遲緊瘀血也急下之否則其毒內攻腐爛腸胃矣丹溪先生云肉疽者因飲食之毒七情之火相鬱而發用射干湯主之愚常以薏苡仁湯牡丹皮散太乙膏選用之亦效若吐膿血飲食少思助胃壯氣為主而佐以前法不可專治其瘡一男子寒熱作渴不時咳吐血內血腥又五日吐膿身皮甲錯用射干湯四劑膿血已

止但氣壅痰多以甘桔湯而愈一男子用射干湯之類將愈但氣喘體倦發熱作渴小便頻數此肺氣不足用補中益氣山藥山茱麥門五味時仲夏更以生脉散代茶飲而愈一婦人素食厚味吐膿已愈但小便淋瀝此肺腎氣虛用補中益氣加麥門五味及加減八味丸而愈若膏粱之人初起宜用清胃散射干湯治胃脘癰人迎脉逆而盛嗽膿血榮衛不流熱聚胃口成癰

- 射干 去毛
- 梔仁
- 赤茯苓 去皮
- 升麻 各壹兩
- 赤芍藥 壹兩
- 白朮 半兩

胃脘癰 外科 百三十五

右為末每服伍錢水貳盞煎至壹盞去查入地黃汁壹合蜜半合再煎溫服不計時候
復元通氣散精要治諸氣澁耳聾腹癰便癰瘡疽無頭止痛消腫

青皮

陳皮 各肆兩

甘草 參丁生熟各半

穿山甲 炮

瓜蒌根 各貳兩

金銀花

連翹 各壹兩

右為細末熱酒調下

芍藥湯 治胃脘積熱結聚為癰

赤芍藥

石膏

犀角 鎊

麥門冬

薺芩

木通 各貳兩

朴硝

升麻

玄參

甘草 生各壹兩

右咬咀每服伍錢水壹盞半煎捌分去滓不拘時溫服

心癰涼血飲 即引兵先鋒方治心肺有熱或作寒

熱口乾好飲水渾身疼腹內作熱頭面赤色

內托散 即前鋒止將方治同上兼用數角洗貼

已潰多服加味十奇散 以上並見

腎癰八味丸 治腎虛嗜慾過度外挾寒邪發為癰

腫不可施以涼劑宜服 方見潰瘍門

加味十奇散 治同上兼用葱白橘葉樹葉豬蹄湯
淋洗仍貼金絲膏方見前
腫瘍門

疥瘡

疥瘡者以其瘡形如丁蓋之狀而得名皆生頭面四肢發黃疱中或紫黑必先癢後痛先寒後熱凡人一二日間惡寒發熱四肢沉重心忪眼花頭疼體痛稍異如常之證須宜徧身尋認如有小瘡與嘗患之瘡稍異即是疥也太抵起紫疱者多起堆核者少發於手上者多發於別處者少生兩足者多有紅絲至臍生兩手者多有紅絲至腋生脣面口內者多有紅絲入喉以鍼刺瘡不痛無血是其候也經云膏粱之變足生大疥大抵多由恣食厚味卒中飲食之毒或感

四時不正之氣或感蛇蟲之毒或感疫歿牛馬猪羊
之毒或人汗入肉而食之皆生疔瘡各宜審而治之
若嘔逆直視譫語如醉者不可治矣又有內疔一證
與外疔之證大同但瘡形不現過數日間有一處腫
起者卽是內疔所發之處但腹痛甚者便須作內疔
治之不可緩也緩則殺人 華元化云疔有五色屬
五臟紅屬心發於舌根青屬肝發於目下黃屬脾發
於口脣白屬肺發於右鼻黑屬腎發於耳前以種類
言之千金方外臺秘要神巧萬全方皆稱一十三種
殆不止也 麻子疔狀如麻子而稍黑四邊微赤多

痒少痛忌食麻子油衣麻衣并入麻田中行穿麻布
人^上火疔發於頂門或發於面身熱如火狀如湯火
燒灼瘡頭有黑靨四邊煙焰又如赤粟米忌火灸燒
鍼烙 脾疔生於脣四白 眉疔生於眉 髭疔生
於髭中 龍泉疔生於脣上 虎鬚疔生於脣下
魚尾疔生於眼角外 顴骨疔生於顴骨上亦名赤
面疔其狀色白頂陷如錢孔鼻有紫色者大凶 耳
疔生於耳中亦名黑疔連腮赤腫 鼻疔生於鼻內
痛引腦門不能運氣鼻如大瓶黑色者不治 頰疔
生於面頰骨尖高處 氣疔形如氣泡感怒而生

腐疥色白有胞三日內頂陷狀如初灸瘡因夏月造豆腐時人汗滴於內食之而生忌食豆腐鬼疥因中陰邪之毒而生瓜藤疥延蔓無數忌瓜田中行石疥皮肉相連堅韌如石刺之不入肉微痛忌砂礫鹽膚疥大如匙面四邊皆未有黑點如粟粒起忌食鹹物水洗疥狀如錢形或如錢孔瘡頭白裏黑膿汁出而中鞭極癢透骨搔則快然忌水洗渡河及飲漿水浮漚疥其狀圓曲少許不合長而狹如薤葉大內黃外黑黑處刺不痛黃處刺則痛三十天疥其狀頭黑浮起形如黑豆四畔起大赤色合白

生一明白二後白三乃至十若滿三十六藥所不能治未滿者可治俗名黑胞忌噴怒畜積愁恨猪疔形圓而小瘡口內有油羊疔形長而白色牛疔形圓而小瘡內無油胞起指不破有寒熱狗疔色赤而長或帶尖與牛疔同無忌不殺人驢馬疔其狀三角頂上有黑點根脚有赤色或突起水疔狀如水泡因飲隔宿水而生忌飲水臍疔生於臍脇疔生於脇刀鎌疔狀如薤葉長寸許肉黑如燒烙忌刀鍼暗疔生兩腋下而無頭但腋下堅韌四肢拘急寒熱大作陰囊腫痛辜丸附生突兀如疔寒

熱併作亦名暗疔。寸疔生手指骨節間。虎口疔生谷谷穴。魚臍疔狀如魚臍。茱萸疔中凹邊突。蛇眼疔頭黑皮浮形如小豆狀似蛇眼。忌惡眼看。并嫉妬人見之。及觸毒藥。紅絲疔一名血箭疔。一名赤疔。一名紅演疔。生於舌根下。或生頭面。或生手足骨節間。其證最急。宜迎其經刺出惡血。則愈稍遲。毒氣攻心。嘔噦迷悶者。或若絲近心腹者。就於絲盡處刺出惡血。更挑破初起瘡頭。以泄其毒。芝麻疔走注不定。徧身疼痛。不能轉側。爛疔潰出膿水。大如匙。面色稍黑。有白斑。忌沸湯熱食爛物。雌疔瘡。

頭稍黃。向裏壓赤。似灸瘡。四面炮漿起。心凹色赤。大如錢孔。又有一枚在他處。以水噴之。則見大忌房事。雄疔其狀頭黑。鱗突起。四畔仰炮漿起。有水出色。黃大如錢孔。忌房事。黃疔有眼在皮發。如齒齦之色。手足麻木。涎出不語者。死。黑疔狀如黑炮。櫻桃疔狀如櫻桃。蛇頭疔生手指頭兩旁。狀如蛇頭。甚腥穢。紫黑色。痛引心。有潰爛脫落者。足面疔狀如粟米。痒極入骨。急隔蒜灸之。大抵如豆。如白。如箔金。如茱萸。如石榴子。或發疹搔破。而青黃赤色。汁出。或衣物觸着。而疼痛。忽生。或白而腫實。或赤而浮。

虛其狀不一初覺頂不起者急隔蒜灸之灸而有炮
 者吉無炮者凶服汗劑得汗則生無汗則死刺出紫
 血者危出黑血者死 緩者一日瘡頂炮色微白二
 日炮色大白三日色微紫四日色真紫皆緩之候也
 急者五日日色微青小緊六日日色深青大緊七日日色
 黑其形如魚臍或如灸瘡之狀皆急之候也 凡生
 疔瘡身熱頭疼手足溫和飲食如常疔之四圍赤腫
 名曰護場可治 凡生疔瘡眼白睛癢不轉渴欲飲
 水內熱瘡盛唇舌青臥牀不能起五心腫頭暈眼花
 氣麤食不進脈伏譫語惡心腹痛冷汗出手足冷滑

泄無度疔之四圍無赤腫名曰不護場不可治 瘡
 證急者有應如生一疔之外別處肉上再生一小瘡
 卽是有應可用鍼挑破護場瘡四圍有赤腫生多瘡
 者謂之滿天星飲食如常頭痛身熱手足溫 瘡證
 凶者無應別處肉上無瘡不護場疔四圍無赤腫腹
 痛甚者有內疔若毒入心腹眼黑如見火光煩悶嘔
 逆恍惚癡眠瞳人不動赤脈貫睛胸脇赤腫瘡陷不
 起發皆死候也 凡疔瘡必有紅絲路急用鍼於紅
 絲所至之處出血及刺疔頭四畔出血若鍼之不痛
 或無血者以鍼燒紅頻烙患處以痛爲度若下部所

患多宜隔蒜灸之痛則灸至不痛不痛則灸至痛若
灸之而不痛者宜明灸之及鍼疔四畔出去惡血却
以稜鍼深刺破疔頭瘡口用海馬拔毒散敷之或雄
礬丹敷之待疔四圍發黃炮浮腫知痛為佳若疔未
發用火鍼四畔亂刺如有紅絲脉盡處亦以火鍼三
向刺斷。如此樣刺了即敷藥若疔不痛不發
者用艾火於疔瘡上灸之三壯候瘡邊起黃炮發後
方可貼膏藥凡疔腫皆刺中心至痛又刺四畔令出
惡血去血傳藥藥氣入鍼孔佳若不鍼透瘡內不得
力也若起紫疱初然切不可鍼破服藥趕出炮自破

出血水為妙若服藥炮又不破方以鍼挑破無妨若
起紫炮腫痛者以萬病解毒丸外塗內服若成膿不
乾者以米醋調鐵鏽塗之自然凸出膿水即乾。多
有患此不覺而暴斃者用燈照看徧身有小瘡即是
疔毒宜灸瘡處候甦更服敗毒藥并追疔奪命湯若
內疔之證用化毒丸置舌上含化出涎或只用蟾酥
一粒重者二十粒置病人舌上含化化後良久用井水
漱去毒涎為妙若牙關緊急及喉內患者並宜含蟾
酥丸或朱墨丸良以用井水漱去更宜服二十九少停
又服二十九又服奪命丹或雄黃丸通利一行得利為

度又用霹靂火汗之再用前藥調之或初生一箇次
生二箇逐漸流注者急將初生者用鐵筒拔毒膏點
破消蝕惡肉卽不流注却以油髮蛇退土蜂房皂角
刺各另燒存性等分白芨減半爲末揆之以平瘡口
此卽前所謂三十六疔者也其魚臍疔瘡頭深黑破
之黃水滲出四畔浮漿其毒尤甚通用前法及服萬
病解毒丸以清心行血治法表實者宜解表以荆
防敗毒散追疔奪命湯初發之時必發熱身疼此乃
毒氣在表故發表則毒從毛腠而出裏實者宜攻
裏以救命追黃湯連翹攻裏散表證皆罷毒氣入裏

口渴便秘毒在內也故攻裏則毒從臟腑而出表
裏俱實者宜解表和裏以化毒消腫和裏散加紫河
車獨脚蓮紫金藤苦花子其證發熱身疼口渴便秘
乃表裏俱見故攻發並用也腫勢盛脉浮數者宜
散之蟾酥丸返魂丹毒勢盛脉沉實者宜下之奪
命丹萬病解毒丸無表裏證服散毒消毒藥後以
復元通氣散加麝香少許虛弱人以五香連翹湯
合十宣散稍虛者只以人參敗毒散按五香連翹湯
乃溫熱走竅之
藥既虛人豈其所
宜當用薛氏法爲長疔毒拔出用金銀白芷散十
宣散調理未潰者不須此藥初發惡寒發熱或拘

急或頭疼或寒熱交作或肢體重痛或大便秘結宜以敗毒散加防風荆芥連翹黃芩青木香金銀花天花粉大黃生地黃若無惡寒但發熱者可服劫瘡消毒散十神散萬全散若表證皆罷毒氣入裏者可用雄黃丸怯弱之人不可用峻利藥攻之宜隔蒜灸五十壯以人參敗毒散數劑若生道遠位僻之處非峻利則藥力不到若以峻利則胃氣先傷虛虛之禍有所不免不若灸之為宜疔瘡四畔紅赤漸散開闊走亂不止此名疔瘡走黃宜以通聖消毒散通利兩三行次去大黃朴硝調理而愈或解毒消瘡散亦

可用之有效此宜作瘡氣治之無誤疔瘡腫硬脉數煩躁喜冷口渴便秘宜以連翹攻裏散壹服次用蟾酥丸若無有表邪者以荆防敗毒散加金銀花天花粉大黃連翹脉實有熱更加黃連黃芩或只加苦花子退熱治瘡之妙藥也若因剝割疫癘牛馬豬羊贅悶身冷遍體俱有紫泡此疔毒也急灸泡處良久遂甦卽以人參敗毒散加防風荆芥投之若忽然惡寒作嘔肩臂麻木手心瘙癢遂贅悶不自覺知但有一泡此疔毒也急灸五十壯而甦又五十壯知痛投以荆防敗毒散而愈古人謂暴灸多是疔毒急

用燈照遍身若有小瘡紫泡黑帶者卽是急灸其瘡
但是胸腹溫者可救若因開割瘡歿牛馬豬羊之
毒或食其肉致發疥毒或在手足或在頭面或在胸
腹或在脇肋或在背脊或在陰脰或起紫泡或起堆
核腫痛割入發熱煩悶頭疼身痛骨節煩疼先用天
馬奪命丹次用四神丸解毒消瘡散次以七神散又
以萬病解毒丸劫瘡消毒散兼服朱墨丸并用祛瘡
散多用毛屎梯根磨水服或仙人薯根磨水服如不
熱磨酒服太熱不退者宜用退熱消毒飲又要以糞
瘡散縮住不使走亂又以沈瘡散淋洗次以刷瘡散

塗刷若成瘡以痰瘡散按之好膏藥貼之若患疥
瘡始初不覺不曾用前法出汗過數日外證皆罷或
在胸腹之間或在胸之下腫起此乃毒氣入裏所致
用霹靂火治之若服當歸散外證不解者亦急用霹
靂火發散若疥瘡在兩脇間毒氣欲奔心乃危急
之證也可急於瘡尖上用艾炷灸三五壯仍於灸穴
前後左右鍼出少血灸瘡四圍有胞起吉無胞凶若
疔在虛軟不便處不可用鍼只可用松鍼法針斷紅
絲路若生兩脰間毒氣欲奔腎者用松鍼法於兩脰
紅絲路盡處針斷出血若生頭面上者可於項間紅

絲路盡處針斷出血若各處紅絲路亦有不現者亦
可以消詳用松針法針之凡用松針者蓋因紅絲路
不現無可下針故用此法於項下脇下腋胛處輭之
處針斷紅絲路不使毒氣攻心攻腎而已 若手足
厥冷六脉俱絕者此毒氣已深氣血為毒氣所併不
能通流故體冷而脉不見宜木香流氣飲連進數服
氣血通流脉自回矣然後依法治之萬不失一 內
疔之證與外疔並同亦發寒熱頭疼身痛但瘡形不
現不過數日胸背腹脇頭面手足間或有一處腫起
卽內疔所發之處急用霹靂火如前不護場汗法於

腫處出汗若身體寒熱雖未有腫起但腹痛甚者便
須作內疔證用後法治之不可緩也 治內疔蟾酥
須於取時用桑葉小錢大入蟾酥搗和得所丸如珍
珠大陰乾用

治驗

張嗣伯嘗聞屋中呻吟聲曰此勞甚重乃往
視之見一老姥稱體痛而處處有黯黑無數張還煮
斗餘湯送令服之服訖痛勢愈甚跳投牀者無數須
臾所黯處皆拔出釘長寸許以膏塗瘡口二日而復
云此名釘疽也 羅謙甫曰丙午歲予居藁城人多
患疔瘡縣尹董公謂予曰今歲患疔瘡者極多貧民

無力醫治近於史侯處得數方用之者無不效官給藥錢君當捨手治之遂諾其語董公榜示通衢命予施藥如此十年全活甚衆其用保生錠子千金托裏散神聖膏藥破棺丹凡四方 郭氏治一婦年近六十右耳下天聰穴間患一疔瘡其頭黑靨四邊泡起黃水時流渾身麻木發熱譫語時時昏沉六脉浮洪用烏金散汗之就以鈇針先刺瘡心不痛周遭再刺十餘下紫黑血出方知疼痛就將寸金錠子緝入瘡內外用提丁錠子放於瘡上膏藥貼護次日汗後精神微爽却用破棺丹下之病卽定其疔潰動後用守

効散貼塗紅玉錠子緝之八日其疔自出矣茲所謂審脉證汗下之間治以次第如此視彼不察脉證但見發熱譫語便投涼藥與下或兼以香竄之藥遂致誤入者徑庭矣 薛已治一婦左手指患疔麻癢寒熱惡心左半體皆麻脉數不時見曰凡瘡不宜不痛不可大痛煩悶者不治今作麻癢尤其惡也用奪命丹二服不應又用解毒之劑麻癢始去乃作腫痛薛曰勢雖危所喜作痛但毒氣無從而泄乃針之諸證頓退又用解毒之劑而瘥 蘇庠盛原博掌後患疔紅絲至腕惡寒發熱勢屬表證與奪命丹一服紅絲

頓消又用和解之劑大勢已退彼又服敗毒藥發渴發熱紅絲仍見脉浮大而虛此氣血受傷而然以補中益氣湯主之而愈蓋奪命既服瘡邪已散而復用敗毒之劑是誅伐無過失內經之旨矣一儒者患疔元氣素弱薛補其氣血出膿而愈後因勞役瘡痕作癢乃別服敗毒散一劑以致口噤舌強手足搐搦痰涎上湧自汗不止此氣血復傷而復瘳也用十全大補加附子壹錢灌服而甦一男子患疔服奪命湯汗不止瘡不痛熱不止便不利此汗多亡陽而真氣傷矣用參芪歸朮芍防五味二劑諸證悉退惟以

小便不利為憂薛曰汗出不利小便汗止則陽氣復而自利矣仍用前藥去防風加麥冬倍用黃芩當歸四劑而便行瘡潰而愈表甥居富右手小指患疔色紫或云小瘡針刺出血敷以涼藥掌指腫三四倍黯而不痛神思昏憤煩躁不寧此真氣奪而邪氣實也先以奪命丹一服活命飲二劑稍可薛因他往或徧刺其手出鮮血碗許腫延臂腕焮大如瓠手指腫數倍不能潰薛用大劑參芪歸朮之類及頻灸徧手而腫漸消但大便不實時當泄氣此元氣下陷以補中益氣加骨脂肉蔻吳茱五味大便實而氣不泄又

日以人參伍錢麥冬參錢五味貳錢水煎代茶飲之
又用大補藥五十餘劑而漸愈此證初若不用解毒
之劑後不用大補之藥欲生也難矣 一人年二十
脣患疔四日矣有紫脉自瘡延至口內將及於喉薛
曰此真氣虛而邪氣實也若紫脉過喉則難治矣須
針紫脉併瘡頭出惡血以泄其毒則可乃別用解毒
之劑頭面俱腫求治甚篤薛曰先日之言不誣矣診
其脉洪數按之如無口內腫脹針不能入為疔面與
脊出黑血碗許勢雖少退略進湯終至不起 都憲
張恒山左足指患之痛不可忍急隔蒜灸三十餘壯

卽能行步欲速愈或用涼藥敷貼遂致血凝肉死毒
氣復熾再灸百壯服活命飲出紫血毒纔得解脚底
通潰腐筋爛肉甚多將愈誤用生肌藥反助其毒元
氣虧損而不能愈薛治以托裏藥喜其真實客處三
月餘方愈大凡疔患於肢節灸法有回生之功設投
以涼劑收斂腠理隧道壅塞邪氣愈甚多致不起若
毒未盡驟用生肌輕者反增潰爛重者必致危亡
一男子足指患疔腫焮痛赤用隔蒜灸人參敗毒散
加金銀花白芷大黃一劑痛止又用十宣散加天花
粉金銀花去桂數劑而愈 濮陽傳云萬曆丁亥金

臺有婦人以羊毛徧鬻於市忽不見繼而都人身生
泡瘤漸大痛死者甚衆瘤內惟有羊毛道人傳一方
以黑豆蕎麥為粉塗擦毛落而愈名羊毛疔
荆芥敗毒散腫癩方見加菊花葉妙鮮者搗汁入藥尤良
治疔瘡

黃連 羌活 青皮

白殭蠶 防風 獨活

蟬蛻 細辛 赤芍藥

甘草節 獨脚茅各等分

右咬咀每服伍錢先將壹服入澤蘭葉少許薑拾

錢重同搗爛熱酒和服然後用酒水各半盞薑參
片煎服病勢退減後再加黃少許煎服畧下一
二行蕩去餘毒更用白梅蒼耳子研爛貼瘡上拔
去根脚

二活散

羌活 獨活 當歸

烏藥 赤芍藥 金銀花

連翹 天花粉 甘草節

白芷各肆錢半 紅花 蘇木

荆芥 蟬蛻 乾葛各叁錢

檀香 貳錢

右為細末每服參錢煎蒼耳湯調下

奪命丹 治疔瘡發惡心及諸惡瘡

蟾酥 乾者半 錢酒化

輕粉 伍分

硃砂 水飛

寒水石 水飛各壹錢

銅綠 壹字

麝香 壹字

海牟 貳拾箇研即蝸牛也亦效

右件為細末將海牟另研為泥和藥一處丸如菜豆大如丸不就加好酒成之病輕者壹丸貳丸重者叁丸未效再服服時嚼葱白一大口極爛置手心放藥丸於葱內裹合以熱酒送下暖處卧取汗

出為效忌永水薛氏銅綠麝香沒藥乳香各壹錢
返魂丹 治十三種疔

硃砂

膽礬 各壹兩半

血竭

銅綠

蝸牛 生用

雄黃

枯白礬 各壹兩

輕粉

沒藥

蟾酥 各半兩

麝香 少許

右將蝸牛蟾酥研爛餘藥為細末同研和丸如鷄頭大每服壹丸令病人先嚼葱白叁寸吐在手心將藥丸裹在葱白內用熱酒壹盞吞下如重車行五里許有汗出即瘥如不能嚼葱研爛裹下極效

又返魂丹 經云汗之則瘡愈必用此藥汗之

乳香 沒藥 辰砂

雄黃 各壹錢半 輕粉 片腦

麝香 各伍分 海芋 即蝸牛也 蟾酥

青黛 粉草 硃砂 各壹錢

右為細末用海芋搗膏為丸如難丸加酒麪糊些少丸如彈子大每服壹丸無生葱頭二三箇細嚼嚥下疔腫及癰腫毒氣入膈者得微汗即解一方加銅綠寒水石輕粉枯礬各壹錢重飛龍奪命丹 治疥瘡發背腦疽乳癰疽附骨疽

切無頭腫毒惡瘡服之便有頭不痛者服之便痛已成者服之立愈此乃惡證藥中至寶病危者服之立可矣萬無一失此乃家傳之秘方一生受用不敢輕洩神速之驗即愈立効

輕粉 腦子 無亦可 麝香 各半錢

血竭 膽礬 寒水石 各壹錢

蟾酥 乾者酒化 乳香 沒藥

硃砂 為衣 銅綠 各貳錢 雄黃 叁錢

蝸牛 貳拾壹箇 蜈蚣 壹條酒炙

右為細末先將海芋連殼研為泥和前藥為丸如

菘豆大如丸不就入酒打麪糊爲丸每服貳丸先用葱白三寸令病人嚼爛吐於手心男左女右將藥丸裹在葱白內用無灰熱酒參肆盞送下於避風處以衣蓋覆之約人行五里之久再用熱酒數杯以助藥力發熱大汗出爲度
初覺貳丸卽消如汗不出重者再服貳丸汗出卽効三五日病重者再進貳丸卽愈如疔瘡走黃過心者難治之汗出冷者亦效矣如病人不能嚼葱搗碎裹藥丸在內熱酒送下瘡在上食後服瘡在下食前服服此藥後忌冷水黃瓜茄子油豬雞魚

肉濕麪一切發風發瘡毒類之物不可食之又忌婦人洗換狐臭百發百中此藥活人多矣

走馬赴筵丹 治疔瘡

沒藥 乳香 硼砂

硃砂 雄黃 輕粉 各參錢

片腦 壹分 麝香 少許

右爲細末蟾酥汁和爲丸如黃米大每服壹丸溫酒送下

救生丹 治諸種疔瘡眼內火光出昏迷不醒

右於二月辰日採桑葉荆葉用竹針穿成孔用紙

裹封固陰乾至端午日研為細末用蟾酥和為丸如小豆大用時再以雄黃同藥壹丸研細放舌中汗出効

右奪命返魂等方皆蟾酥雄硃等攻毒之藥非發汗藥也而能發汗者乃追逐毒氣從腠理而出為汗故也

脈沉實者下之

羅氏破棺丹

治瘡氣入腹危者

大黃

貳兩半生半熟

甘草

芒硝

各壹兩

右為細末煉蜜丸如彈子每服半丸食後温酒化下或童溺半盞研化之忌冷水

又破棺丹

一方有當歸赤芍連翹牡蠣金銀花紫花地丁宜選用之

山梔

牽牛末

大黃

各壹兩

甘草

京三稜

炮各壹錢

右煉蜜丸如彈子大酒化服之

內托連翹散 疔瘡出時皮色不變及不疼痛按搖不動身發寒熱便是此瘡有水疔魚臍疔紫燕疔火疔諸般疔瘡如瘡黃於黃上用針刺仍服內托散自然消散

連翹

白芷

生地黄

赤芍藥

各壹兩

大黃

去皮

黃梔

去頂

薄荷葉各柒錢

朴硝貳兩

黃芩去心半兩

甘草壹兩半

右為麤末每服壹兩水壹碗燈心竹葉煎柒分其人喘加入參少許大病只參肆服愈如服了心煩嘔用不二散止之

甘草半兩

菉豆粉壹兩

右為末分作貳服酸壅水下

奪命丹 治疔瘡大便秘實不通者或心腹痛者

巴豆去殼

大黃各壹錢

鬱金

雄黃

乳香各伍分

硃砂

黃丹各叁分

輕粉貳分

麝香少許

蟾酥不拘多少

右末麪糊為丸如菉豆大隨虛實服之茶清送下伍柒丸至玖丸止以利為度如無此丸以雄黃丸代之

雄黃丸 治證如前

巴豆拾肆粒

麝香少許

全蠍

牙皂

雄黃

大黃

鬱金各壹錢

右末米糊丸如菉豆大硃砂為衣每服伍柒丸茶

疥癩

夕未二

百五

清送下以利為度

追毒丸

海浮石 燒赤醋焙
米次半兩

沒藥 各壹錢 巴豆 肆拾粒

乳香 川烏 壹兩

右為末醋糊丸如桐子大若患二三日服拾丸五
六日服拾肆丸隨病上下服之先喫冷酒半盞或
壹盞又用冷酒吞下如嘔吞之不妨出藥依上服
乏病人大便不動再用參丸如疔着得端的爪破
用頭垢留患處後服藥

五聖散 治疔瘡

皂角鉞 貳兩

栝萼 壹箇

大黃

金銀花

生薑

甘草 各壹兩

右咬咀用好酒貳升同煎至捌分去粗不拘時温
服

奪命返魂散 治一切疔瘡增寒發熱昏悶不語腫

徧皮膚不思飲食

大黃

連翹

山梔子 已上各
貳錢半

研為
細末

巴豆

杏仁 各貳錢
皮同炒黑

色研為
細末

人言 伍錢用大蒜伍箇去心
入言同燒過性研為末

牽牛頭末

苦丁香 各壹錢

右為細末研勻每服半錢病重者服壹錢用新汲井花水調下壹服見効如病重無脉者喫下藥約一頓飯時吐了藥便醫不得吐不了藥即活立馬回疔奪命散 治疔瘡及喉痺乳鵝腫痛大効

牡蠣

當歸

牛蒡子

白殭蠶

各半兩

大黃

壹兩

右咬咀每服半兩用青石磨刀水酒各壹盞煎去滓連進貳服疔瘡服後出汗者生無汗者死

御史散

治疔瘡

生鐵銹

叁錢

為末木香磨酒調下分病上下食前食後服之得微汗而愈

愚按此方乃秘法也未嘗試用常治疔瘡有赤絲攻心腹者用鐵銹叁錢牡蠣貳錢青鹽壹錢為末挑破瘡頭以燈盞內油調搽其絲自回名喚回丹但未用服考之本草云鐵鏽生鐵上衣也治惡瘡疥癬蜘蛛等咬蒜磨敷之亦未云服家藏方用猫兒眼草壹擔細切以水擔餘浸貳日煮百餘沸去粗取汁煎至叁肆碗用生鐵鏽細研末叁兩徐徐入汁內以鐵杖不住手攪再煎至貳碗許成膏子

裏者俱表
攻解實裏

疥瘡

外科二

聖書

治一切癰疽瘡毒甚效癩癰潰後塗瘡內尤效

防風通聖散腫瘍

加減通聖散 治疥瘡瘴氣紫游風等證

防風

荆芥

連翹

赤芍藥

當歸

川芎

桔梗

黃芩

梔子

甘草

青木香

玄參

牛蒡子

大黃

芒硝

紫金皮

鷄屎子

詐灰子

谷藤根

芙蓉根

嫩柏根

青玉叉

右薄荷生地黃煎服

追疔奪命湯 秘方速效能肉消腫

羌活

獨活

青皮多用

防風多用

黃連

赤芍藥

細辛

甘草節

蟬蛻

殭蠶

脚連即雞爪黃連各等分加河車

澤蘭

金銀花

有膿加

何首烏

白芷

要利加

青木香

大黃

疔瘡

外科二

聖書

牽牛

梔子

在脚加

木瓜各等分

右咬咀每服伍錢先將壹服加澤蘭少用葉金銀花各壹兩生薑拾片同藥搗爛好酒釀之熱服不喫酒者水煎為妙然後用酒水各壹盞半生薑拾片煎至熱服汗出為度病退減後再加大黃貳錢煎至熱服再以利壹兩次去餘毒為妙此方以藥味觀之甚若不切然效速於神驗萬無一失累用累効如有別證再出宜隨證加減治之速効若心煩嘔吐加甘草節壹錢豆粉酸漿水

嘔逆惡心加

乳香

豆粉甘草湯下

加減追疔奪命湯

治疔瘡及癰疽發背惡瘡癩赤

腫痛創人或紫游風赤游風並大効

防風

赤芍藥

連翹

羌活

獨活

細辛

青皮

殭蠶

蟬蛻

青木香

甘草節

金銀花

紫河車

獨脚蓮

右生薑澤蘭生地黃煎服

病勢退減加大黃取

利下參伍行去大黃

防風當歸湯 治疔瘡發熱大便實者

金銀花 山茨菰 青木香

當歸 赤芍藥 白芷

防風 荆芥 連翹

升麻 羌活 獨活

甘草 大黃

右薄荷生地黃煎服

雄麝湯 解疔毒如神無雄黃硃砂

雄黃 硃砂 麝香 各另研

乳香 白芷 茜草根

真菜豆粉 地丁草 牡蠣

殭蠶 牛蒡子 大黃

金銀花 青木香 梔子

荆芥穗 朴硝 甘草 各壹錢

胡桃貳箇去殼膜

右以白芷以後拾肆味細切用無灰酒壹碗浸少時播細又加水壹碗同煎至壹碗去粗及濁脚入前雄黃等伍味調勻作壹服更審患處經絡分野依東垣引經瀉火藥加之尤妙欲利倍加大黃朴硝貳味臨後下 茜草即過山龍地丁即太薊也

治瘡
解毒

解毒消瘡散

治疔瘡瘰癧氣發熱者

一云剪刀草開黃花者名黃花地丁開紫花者名紫花地丁

柴胡

黃芩

黃蘗

梔子

木通

赤芍藥

當歸

防風

連翹

大黃

甘草

青木香

紫金皮

鷄屎子

詐殂子

青王叉

嫩柏根

苦花子

右薄荷生地黃煎服

劫瘡消毒散

治瘰癧氣腫痛發熱者及因剝割瘡

牛馬豬羊而中其毒者或因食瘰癧之肉而中其

毒者先服加減通聖散通利大便次服此藥

百丈光

即天鵝又

苦花子

金腦香

即社茶根梗

大小青

紫金藤

生藍葉

水圻根

烏苞根

嫩柏根

青王叉

山烏豆

鷄屎子

晚祥西

狸咬柴

土木香

臭木待根

右薄荷煎服

腫勢甚加水金鳳水苦薺手足

拘攣加鈞鈞藤根梭婆子根發熱加吉面消毛
厥根小便不通加木通梔子

青黃消毒散治疔瘡瘴氣服涼藥過劑沉而不發
不退者雄黃

大小青各壹兩八角茴香伍錢

右末陳酒調服又以醋和米泔塗重處一日服三
次

四神丹治因剝割瘡歿牛馬豬羊不避其氣以中
其毒或因食瘡歿牛馬豬羊之肉者或手足各處
發疔毒或起紫泡或起堆核初則創入次漸腫大

疼痛不可忍者悶發熱口渴心煩四肢強痛頭目
昏花一切瘡毒並皆治之先服此藥次服切瘡消
毒散

苦花子又名毛蓮子又名小葉金雞舌梗葉俱用土木香根名香梗
名天仙藤花仙人薯用根新鮮生者為妙
名馬兜鈴晚蠶砂壹兩

右錮碎搗水和者糝泔冷服熱極加芭蕉心小便
不利加琉璃草又名耳環尻搗和前藥服之

七神散治因剝割瘡歿牛馬豬羊以中其毒者或
因食瘡歿牛馬豬羊之肉而中其毒者或因蛇傷

之毒者^上

苦花子

大小青

百丈光即土人參

右薄荷煎去粗^上碗調雄黃末服^ス

萬全散 治瘡氣時毒疥瘡蛇犬咬等證^ラ

嫩柏根

烏苧根

溪楓根

右薄荷煎服及調雄黃末服或合七神散更妙^ラ

紫金藤

仙人薯

青王叉

水圪根

穿山蜈蚣

狸咬柴

生藍葉

金腦香

土木香

七聖紫金錠

治疥瘡瘴氣時毒等證^ラ

土木香

晚蠶砂

雄黃各參錢

右末秫米糊為丸以毛屎梯根磨水化下

硃墨丸 治疥瘡瘴毒^ラ

硃砂

右末以蟾酥汁為丸如梧桐子大每服貳丸以葱

白煎湯吞下日服壹貳次

祛瘴散

治疥瘡瘴毒蛇傷熱腹痛熱喉風並効驗

如神

苦花子 又名苦花椒

右搗米服夏月冷服冬月温服

天馬奪命丹 治疔瘡蛇傷犬咬鼠咬

青木香 土者根梗俱可用

右末每服壹錢蜜水調下凡治瘴氣蛇傷不可缺此藥也

又方

土青木香 根梗葉同用生者佳

右搗米服夏月冷服冬月温服

萬病解毒丸

治疔瘡癰疽發背腫瘍時毒狐狸毒

鼠莽毒丹毒驚毒瘡毒風毒熱毒蟲毒河豚疫歺

牛馬猪羊毒蛇犬蜈蚣蜂蠍百蟲螫咬毒湯火所

傷中惡邪氣無名腫毒菰毒砒毒藥毒瘡毒光粉

毒輕粉毒一切邪熱之毒悉皆治之

麝香 貳錢

硃砂 伍錢 山豆根

雄黃

續隨子 取仁 紫河車

獨腳蓮 各壹兩

紅牙大戟 壹兩伍錢 山茨菰 貳兩

五倍子 叁兩

右末秫米糊和勻杵搗壹千餘下印作錠子隨意

大小每服壹錠并水磨化冬月用薄荷湯磨服日可進貳叁服

刷瘡散 治疥瘡瘡毒服藥後可用此藥刷塗

生藍葉

地薄荷

紫金藤

右搗米泔水暖刷患處次加蠶砂凌霄花鷄脰花二花如無以葉代之

揆瘡散 治疥瘡瘡毒潰爛成瘡

柏樹皮

去外面麤皮側柏葉各等分

右細末以柏油先刷次揆末

洗瘡方

柏葉

朴葉

柳枝

連又葉

右煎水淋洗之

羅氏托裏散

治一切發背疥瘡

黃芪

壹兩半

厚朴

川芎

防風

桔梗

各貳兩

白芷

壹兩

連翹

貳兩貳錢

芍藥

官桂

甘草節

人參

各兩

木香

沒藥

乳香

當歸

各半兩

右為細末每服叁錢酒壹大盞煎貳叁沸和香温

服

治十三種疔皆以此法治之

以緋帛壹片裹藥取匝為限先用亂髮鷄子大攤布帛上牛黃如桐子大又以棘刺針貳拾壹枚赤小豆米粒為末並布髮上捲緋綿作團外以髮作繩十字縛之置熨斗中急火燒灰研細以枸杞或子或根皮枝葉隨得為末用枸杞末貳七緋帛灰壹七共成參七研勻分貳服空心溫酒調下
連翹黃芪湯 治疔瘡因食瘴死牛牟足生大疔如釘入肉痛不可忍者

金銀花

黃芪

當歸

連翹

甘艸

蜈蚣壹條去頭足酒炙

右生薑煎服

治疔瘡陰證脉沉四肢冷瘡不發

右用五香散去大黃加蒼耳蓮肉酸棗仁藿香茯苓黃芪肉桂當歸防風白芷附子生薑半水半酒煎服以發藥性
如潮熱皮膚受毒加生大黃此胡地骨皮
如嘔逆脾胃受毒加丁香
如喘嗽肺經受毒加杏仁去皮尖知母秦艸紫苑
如眼花心經受毒加硃砂雄黃麝香
如脚冷腎經受毒

加木瓜牽牛並鹽炒

如發渴自汗肝經受毒加黃

芩山梔如大小便秘腹脹滿加枳殼炒木通苦

葶藶大黃生用

治疥瘡陽證潮熱心間霍亂或譫語六脉洪大

右用五香散熱不退而渴用不二散蛇牀子大黃

生為末以冷酒或冷水調貳錢止貳服使微利

治

羅氏保生錠子

治疥瘡背疽瘰癧一切惡瘡

金脚信

輕粉各貳錢

雄黃

礪砂各叁錢

麝香壹錢半

蟾酥壹錢

巴豆

肆拾玖粒另研文武火炮生用尤妙

滴滴金 治疥瘡

礪砂

輕粉

人言

雄黃

硃砂各壹錢

麝香少許

右為細末每用些少先以針刺開瘡頭貼藥黃水出効

右為細末用黃蠟伍錢溶開將藥和成錠子冷水浸少時取出旋丸捏作餅子如錢眼大將瘡頭撥開每用壹餅次用神聖膏後用托裏散若瘡氣入腹危者服破棺丹世傳疥瘡必有壹條紅線可針紅線所至之處出毒血然後傳藥

疥瘡

疥瘡錠子

礪砂 壹錢

白芷

雄黃

蒼耳子

甘草 各半

右為細末用蟾酥汁和作錠子如前法用須五月

五日合

回瘡錠子 治疥瘡大効

草烏頭 壹兩

蟾酥 米粒

巴豆 米箇 去皮

麝香 壹字

右為細末麪糊和就捻作錠子如有惡瘡透丁不痛無血者用針深刺至痛處有血出以此錠子

之上用膏藥貼之疥瘡四畔紙之其疔三二百自然拔出此藥最宜緊用此證大抵與傷寒類類其中亦有可針鑷砭射出血者亦有久而敗爛出膿者其間變異百端不可不慎也

神聖膏藥 羅氏治一切惡瘡

當歸

葶本 各半

沒藥

乳香 各貳錢

白芨

琥珀 各貳錢半

黃丹

黃蠟 各貳兩

白膠香 叁兩

巴豆 拾伍粒 去油

水鼈子 伍拾箇 去皮

粉霜

膽礬 各壹錢

清油

槐柳枝 各壹百貳拾枝

右件壹處先將槐柳枝下在油內熬焦取出復下
餘藥熬勿至焦濾出却將油澄清下黃丹再熬成
膏用緋帛攤之立有神効
保命集治疔瘡奪命散

烏頭尖

附子底

蠹稍

雌黃

雄黃

蜈蚣

硃砂

粉霜

輕粉

砒

腦子

麝香

右為細末先破瘡出惡血以草杖頭用紙帶藥末
插入於內以深為度

郭氏寸金錠子

治疔毒惡瘡

硃砂

黃丹

明礬

砒霜

輕粉

花鹼

白芨

蟾酥

腦子

麝香

右研極細末稠糊和為錠子用之

郭氏提丁錠子

又名透肉錠子

治疔瘡危篤發昏無治瘰

瘰

雄黃

硃砂

青鹽

砒霜

白丁香

蟹螯

去翅足

輕粉 各壹錢 伍分

蟾酥

麝香 各壹錢

黃蠟

單麻子 叁米 粒

右為細末於銀器內或磁器先將蠟溶開和前藥丸如桐子大捻作餅子用針刺破疥瘡放壹餅子於瘡頭上又刺四邊五七下惡血出為妙却用軟膏藥貼之立驗內服首功玄黑散或蟾酥丸

郭氏守効散

點疥瘡惡肉

砒霜 生

白丁香

松香

輕粉

川烏

生礬 各貳錢

蜈蚣 壹條 焙乾

右為極細末鉍針刺破瘡口令血出唾津調藥貼之瘡上其根自潰

麝香蟾酥丸 治一切癰疽發背疔瘡內毒如未破

用針刺破搥藥在內膏藥貼之其瘡即潰

蟾酥

輕粉

乳香 各伍分

人言

雄黃 各壹錢

巴豆 拾箇去皮油

麝香 少許

寒水石 叁錢

右為細末滴水為丸作錠子如小麥粒大量瘡大小用之寒食麪糊為丸

追毒丹 取黃去疔頭追膿毒立効

疥瘡

外科二

蟾酥乾用

硃砂

白丁香無此味加巴豆

輕粉各壹錢

雄黃

硃砂為衣各貳錢

蜈蚣酒浸炙乾黃

巴豆米粒去殼不去油

右總為細末麪調水為丸如丸不就用酒打麪糊為丸如麥大兩頭尖入於針破口內用水沉膏貼之後用膏藥及生肌藥追出膿血毒物又如有黑陷漏瘡者四圍灸敗肉不去不生肌者不可治也亦用此藥追毒去灸肌敗肉生新肉愈矣小者用壹粒大者加用之病輕者不必用針只以手指甲爬動於瘡頂上安此藥水沉膏貼之其瘡即時紅

腫為度去其敗肉為妙

水沉膏

將白芨末放在盞內用水沉下去用紙貼之如用膏不可用生肌藥凡用粘點之藥用此膏圍貼則不傷好肉

海馬拔毒散 治疔瘡大效兼治惡瘡發背

海馬貳箇

穿山甲黃土炒去土

硃砂

水銀各壹錢

麝香

片腦各少許

雄黃叁分

右末針破瘡口點藥入內一日一點大有効

疔瘡

外科二

卷二

芫花根膏 治魚臍疔瘡久治不瘥者

芫花根 壹兩 黑豆 叁合 豬牙皂角 伍挺

白礬 叁兩 煨 研細

右用醋壹斗將前叁味先浸叁日於釜中以火煎至貳升去粗却入鐺中煎至壹升入白礬末攪令勻去火成膏但是魚臍丹惡瘡攤於帛上貼日二易之

治魚臍疔瘡

韭菜 連鬚葱 絲瓜葉

右入石鉢內搗爛如泥以酒和服以滓貼腋下如

病在左手貼左腋下右手貼右腋下在左腳貼左膝右腳貼右膝如在中貼心臍並用布帛縛住候肉下紅絲處皆白則可如有潮熱亦用此法却用入抱住恐其顛倒則難救

四聖旋疔散 治疔瘡生於四肢其勢微者先以好

醋調藥塗上以紙封之次服內托裏之藥其疔自

旋出根

巴豆仁 伍分 白殭蠶 輕粉

礪砂 各貳錢半

右為細末醋調用之

拔毒散 治疔瘡

蜈蚣 壹條

鹽白霜

粉霜

膽礬

礪砂 各壹錢

右為末和勻先用羊骨針挑破頭點藥在上醋糊

紙貼上其根一時自出

保生餅子 治諸疔等瘡

金脚信 貳錢

雄黃

礪砂 各參錢

輕粉

麝香 各壹錢

巴豆 肆拾玖泡 熟去殼研

右為末和勻用黃蠟壹兩餅和藥成錠水浸少時取出用時始捻作餅如錢眼大以羊骨針挑瘡

頭按藥在上以醋糊紙貼之膏藥亦可黃水出為効

濟生金砂散 取疔瘡

道人頭 微炒存性壹兩即蒼耳子

礪砂 參錢半

雄黃 參錢

蟾酥 以多為妙

右將瘡四圍刺破以少油調藥末置於瘡內緋帛封之數日疔自出如瘡入腹嘔逆者將蒼耳搗汁飲之 一方但用礪砂雄黃等分研細用蜜調先破瘡頭去血入藥豆大在瘡口內紙花貼之亦効

丹日本三藏傳疔瘡方江子肉拾粒半夏壹大顆研

末附子半枚 蜈蚣壹枚 各為末 四味臭也 麝香 相和

看瘡大小 以紙繩子圍瘡口 以藥泥上 入用絹帛 貼傳時 換新藥 以可為度 此方活人甚多

鐵罐膏 治一切惡瘡 內毒 此藥止痛 追灰肉

桑柴灰 蕎麥稽灰 石灰碗各壹

炭灰 少許

右用瓦罐壹箇 底傍鑽穴壹箇 塞住 將前項灰填 在內 用水注滿 厚紙封固 壹伏時 用蘆筒插在罐 孔內 淋之 盡其水 不用灰 罐將淋灰水於鍋內 慢 火熬用鐵片續攪 休教縛定 鍋稀稠 滴在水內

不散為度 用鐵罐子盛之 封了口 或有諸般瘡及

腸風痔痛 量瘡用之 妙

濟蟾酥丹 治疔瘡 取蟾酥以白麪黃丹 搜作劑丸 如

麥粒狀 針破患處 以壹粒納之 取蟾酥法 用癩蛇

出酥於油紙或桑葉上用竹篦刮下 然後搗在背陰處自乾用之

又方用鍼刀 鏃破疔頭 以蟾酥傅之 後用

野菊花 莎草根 甜菜葉

搗細 以無灰酒 盡量調服之 酒醒 疔化 冰即痛定

如熱除 不必去疔 亦自愈也

鐵粉散 專治冷疔瘡 經久不効

多年生鐵參錢炒過松脂壹錢 黃丹

輕粉各伍分 麝香少許

右為細末用清油調搽瘡口立効

又方 治疔瘡

山茨菰 鍋鏽 生薑

江茶 鹽少許

用銀針撥開疔瘡即以前藥搭作餅子如大棋子放疔頭上甚者半月皮皺可醫不皺難治矣

雄黃散 治疔瘡

雄黃 硃砂 蒼耳草燒灰

右為末醋調數次將菊花搗爛薑汁調清者服之濃者傳之

追毒丸 治疔瘡發背

蝦蟇糞貳分 麻蟲 雄黃

黃丹各壹分

右為末水丸如米大將瘡撥開頭入藥在內以膏藥貼之

三因蒼耳散 治一切疔腫神効用蒼耳草根莖苗子但取一色便可用燒灰存性研細用好米醋米泔澄定和如泥隨瘡大小塗上厚貳分乾即易之

不過十度卽拔根出須針破塗之更加雄黃尤妙
治一切疔腫懸癰

右用蒼耳根莖苗但取壹束燒爲灰醋汁藍靛和如泥先以針刺瘡上及四邊數下令血出度藥氣可以入針孔中卽去血傳藥乾卽易之不過數度卽拔根出其未結膿者卽內消也已結膿破潰者再不用針刺只以藥塗之余以忽口角上生疔腫造甘子振家母爲貼藥經十日不瘥予以此藥塗之得愈常作此藥以救入無有不瘥者故特以傳後嗣疔腫方殆有千首皆不及此雖齊州榮姥方

亦不能勝此物造次易得也

治一切疔腫

右用蒼耳草又名牟負來草只用根紅嫩者搗爛無灰白酒調勻服次用鹽梅肉研爛以豬膽汁和塗瘡頂上其毒卽散又先用好京墨以薑汁研爛用薑片蘸墨塗四圍腫熱處卽効一方用蒼耳根葉童便絞取汁令服壹升日二或燒灰和臘月豬脂傳一方用苗葉搗汁飲之一方用子或葉或根研爛以米醋脚調塗腫處立散仍研汁服以瘥爲度

行卷
八十一
卷六

治疔瘡

右於九月九日採芙蓉花葉陰乾研細用時以井花水調銀釵打成膏厚紙攤貼瘡上次日用蜻蜓螺卽鬼丁螺壹箇用銀器盛打破依前調藥却將蜻蜓螺放在瘡上貼待過週日揭起其疔自出立効其藥不要攤開

治疔瘡

右用多年牆內或泥上中銹釘洗淨以炭火內煨紅醋淬待冷用刀刮釘銹又入火內煨紅入醋淬仍前刮未再煨再淬再刮下末研為細末用時將

瘡口撥開挑藥末在內以膏藥貼之少時如病深取疔如病淺卽取出黑紫色血其瘡自愈

拔疔法

以黑牯牛牽於石塔上必撒糞候糞上生菌取焙乾與菴葦艸葉等分為細末先用竹筒兩頭去節一頭解十字路將不解頭套在疔上以線緊縛竹筒陷入肉內為度以前藥末壹匙滴水和之放於筒內少時藥滾起則疔自拔起若壹次未効漸加度數其疔必拔也

拔疔方

治疔瘡不出者用此藥以拔出之

巴豆

半粒 去殼

磁石

右為末用葱涎同蜜為膏以傅瘡上疔瘡自出

神授療疔腫方

以緊磁石為末用酸醋調封於患處少時力拔出疔神妙

世治疔瘡用麻內蛀蟲壹條研傅瘡上却用膏藥貼之飯時去膏藥其疔自出

麻蟲膏

治疔瘡

右將麻蟲壹條搗爛入好江茶和作餅子如錢眼大以半角骨針挑瘡頭按藥在上醋糊紙貼之膏

藥亦可其毒出為効

蜚蠊膏

治疔毒

蜚蠊

參箇肚 白者佳

黃麻蟲

拾箇

右二味搗勻撥破患處貼之如患在手足間有紅絲上臂絲盡處將針挑斷出血仍用前藥愚按此方常用有効如無麻蟲亦効毒盛者更服敗毒藥蜚蠊即屎蚋也

聖濟方

治疔瘡

蜚蠊

心腹下肉 稍白者

右捕取不以多少貼瘡上半日許未可再上之血

疔瘡

小引二

聖濟

盡根出神効

治疔瘡最有功効用蟬蛻殭蠶為末酸醋調塗四圍
留瘡口俟根出稍長然後拔去再用藥塗瘡海臧
方單用殭蠶為末津調塗亦佳

又方 治疔瘡

蟬蛻為末傅頭上四邊針刺碎紅腫上用鐵銹水
紫花地丁草末圍四邊腫上即紫花鹿躡草紅腫
外好肉上用生薑自然汁調船灰末傅好肉上

又方 治疔腫

先以針撥破四畔中間用海螵蛸末水丸豆大傅

於瘡頭上再用箭頭草末傅四畔紅肉上外又用
舊船灰燒末為生薑自然汁調傅後再用濕絲綿
貼中間用手揭去疔蓋再將蟬蛻末水調傅之

又方 治疔瘡

大黃壹大塊及東壁土汲新井水入於砂碗內磨
濃厚塗腫上中心留一竅如錢眼大出熱氣經宿
立愈如乾再用冰潤之

又方 治疔瘡

雄黃壹錢就瓦上煨焦黃為末以病人尿調傅疔
上一時拔出如發熱欲死者將大黃菊花研汁灌

上若冬間取根搗汁亦可

玉山韓光方 治疔腫

右以艾蒿壹擔燒作灰於竹筒中淋取汁以壹貳合和石灰如麩漿以針刺瘡中至痛即點之點參次其根自拔亦大神效正觀中用治參拾餘人得瘥

行苦苣擣汁傳疔瘡殊驗青苗陰乾以備冬月為末

水調傳本草云取苦苣莖中白汁傳疔腫出根又取汁滴癰上立潰

疔瘡用白薇為末水調傳之聖惠方

聖治疔瘡甚者用附子末醋和塗之乾用塗千金方同

丹琥珀膏方見癰疽下雜方條

水沉膏 治疔瘡

白果根新鮮生者佳

右以米醋磨濃澄脚以油紙攤貼及用酒磨服

敷疔膏 治疔瘡及無名腫毒瘡氣等證

生藍葉不拘多少洗淨

右以搗爛敷貼患處以稷煎酒服

又方

毛屎梯葉

右生採新鮮者搗米泔水暖刷及以根磨米泔水

暖服

又方治一切惡瘡毒肉不出

用烏梅壹味燒灰為末傅上惡肉立盡矣

灸疔瘡法 取掌後橫紋後五指男左女右赤壯即

瘥屢効

初虞世云疔瘡於所屬經絡各瀉之 疔瘡者必發

於手足之間生黃疱其中或紫黑色有壹條如紅

線直上倉卒之際急宜以針於紅線所至處刺出

毒血然後以蟾酥乳香膏等藥於疔瘡上塗之針

時以病者知痛出血為好否則紅線入腹攻心必

麻藥或
大痛或
不痛者
並灸之
針法

致危困矣

百一治疔腫以針刺四畔用石榴皮末着瘡上調麪

圍四畔灸痛為度調末傅上急裏經宿連根自出

松針法 取向北松枝上葉極硬者頓齊作一束扎

令極緊緩緩以意消詳毒氣所經行虛軟處針之

須令出血時先用酒潤下針處必小痛令病人稍

忍仍用雄黃末入麝香少許以溫酒調下一二服

與之服後方下松針針之

腹

治疔瘡毒氣入腹多嘔吐欲死者即服內托香粉散

滴乳半兩另研真菘豆粉壹兩為細末煎生甘草

湯調參錢時時飲之常令灌潤胸膈方用雄黃等分爲末水調服

百二散又名護心散治發疔瘡煩躁手足不住發狂者

急宜服之

甘草節

菘豆粉

硃砂各等分

右爲細末每服參錢熟水調下

疔瘡入腹嘔者煎道人頭濃汁飲之

治疔瘡毒氣入腹昏悶不食

紫花地丁

蟬蛻

貫仲各壹兩

丁香

乳香各貳錢

右爲細末每服貳錢空心温酒下紫花地丁麥熟質甚脆如蒲公英狀但蒲公英開黃花地丁開紫花

瑞治疔瘡危篤者二服即愈輕者一服立効

土蜂房壹小窠全本草云土蜂房有毒利大小便蛇蛻壹條全

右作一處器中盛用黃泥封固火煨存性研爲

細末每服壹錢空心好酒調服少頃腹中大痛痛

止其瘡已化黃水矣仍服五聖散

大黃

甘草各壹兩

生薑

阜角針

金銀花各貳兩

栝萸壹箇

右咬咀用好酒貳升同煎至捌分去渣不拘時服

治疔瘡最驗用蒼耳臭牡丹各壹大握搗爛新波水
或順流水調服壹碗瀉下黑冰即愈

走黃拔黃藥

用蟾酥飛羅麩為丸如梧桐子大可將壹丸放在
面前舌下即時黃出

破棺丹 治疔黃走胤不止

當歸

赤芍藥

山梔子

牽牛各貳兩半

連翹

牡蠣

金銀花

紫花地丁各壹兩半

京三稜

甘草各貳兩

便秘加大黃叁兩

右為細末煉蜜和丸如彈子大每服壹丸食前用
童便化開服忌飲酒及生冷硬物

立馬回疔丹 治疔瘡走胤不止

金脚信

蟾酥

血竭

硃砂

沒藥各半錢

輕粉

龍腦

麝香各壹字

右為細末用生草烏頭汁和作錠如麥子大用時
將瘡頂刺破將藥壹錠放瘡口內第二日瘡腫是
効

治疔走了黃打滾將死者

牡蠣

大黃

山梔子

金銀花

木通

連翹

牛蒡子

地骨皮

乳香

沒藥

皂角刺

栝萸

右各等分剉碎每服半兩氣壯者加朴硝用米壹碗酒半碗煎壹服定愈

蟾酥走黃丸

治疔瘡走黃

硃砂研

黃丹飛

白麴各等分

右未取蟾酥搜作劑丸如麥粒大先刺瘡口次安壹粒在瘡口內仍以冰沉膏貼之又以五七九葱

湯吞下發汗即愈

瘡

迴瘡蟾酥錠子

治疔瘡毒氣攻心欲死以針刺其

瘡向心行處但覺痛有血處下錠子若累刺至心側近皆不痛無血者急針百會穴痛有血者下錠子若無血以親人熱血代之猶活三四況瘡初發無有不効大抵疔瘡生於四肢及胸背頭項骨節間唯背頭項最急初生痛痒不常中陷如釘蓋撼之有根壯熱惡心是也

天南星

款冬花

巴豆仁

黃丹

白信各壹錢

獨活伍分

蟹螯去頭足拾箇

右為極細末用新蟾酥和藥如黍米大撚作錠子每遇疔瘡先以針刺其瘡必不知痛有血出者下錠子如覺痛不須再用若更不知痛再隨瘡所行處迎奪刺之至有血知痛即止其原瘡亦覺疼痛以膏藥貼之膿出自瘡用錠子法度以銀作細筒子壹箇約長三寸許隨針下至瘡痛處復以細銀絲子內藥於筒內推至痛處

肘後治疔腫垂效菊花葉壹握搗絞汁壹升入口即活此神驗亦用其根丹溪云根葉花皆可紫梗為佳

內疔

疔腫困重生搗蒼耳根葉和小兒尿絞汁冷服壹升日三服甚驗
化毒丸 治內疔

硃砂

雄黃各壹錢

蟬蛻拾枚

硼砂生

輕粉各伍分

麝香壹分

片腦半分

右末取蟾酥為丸如菽豆大每用壹丸放舌上含化取涎化後以井水漱淨無此丸用單蟾酥代之亦可

霹靂火 治內疔之證發汗之妙方也凡疔瘡始覺

不曾服出汗之藥過數日間外證皆罷或在胸腹
或在脇肋赤嫩腫起此乃毒氣入裏肉疔之所發
也宜用此法出汗毒氣方能出也
先置水桶壹箇鐵銚壹箇令病人側卧於桶上四
圍以衣衾蓋護勿令泄氣却以鵝卵石火燒極紅
放銚內以銚安桶內以醋投於銚內淬之熏蒸出
汗未透再加火力再淬之須令腫處汗透不必徧
身出汗也

瘍醫準繩卷之二 終

